



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum, die Jovis septimo,
mensis Novembris, anno Domini M.DCC.XLIII.

M. DAVID VASSE,
Doctore Medico, Præsidente.

An salubre condimentum, Sinapi?

I.



IN API [Granum ... quod minimum quidem est omni-
bus seminibus, cùm autem creverit, majus est omnibus ole-
ribus, & fit arbor, ita ut volucres cœli veniant & habi-
tent in ramis ejus Math. 13. 32.] triplex est Species:
Rapi scilicet alia; altera Apii; tertia tandem Erucæ fo-
lio, Casparis Bauhini Pit. Turnefort: Quæque usui est. Pergratum

A

2.

quidem iis, quibus curæ venter est, obsonium; infirmis verò ciborum salubris conditura: Ipsâ quot variantur modis fercula, mirandum: Cum & sine præparatione aut mixturâ manditur Sinapi. Ehedum ex ejus recordatione scatet in ore saliva, lachrymæ ex oculis deciduæ fluunt, titillatur in naribus. (pituifosa quæ vocatur) membrana: & si esus cupiditatem cibi promoveat, dum ejus condimentum est fames; morbo laborantibus appetentiam renovat, en remedium; satiatis, indulget aviditati; en irritamentum gulæ: usu modico sanitatem conservat, reficit, arcet morbos. Ad coquendos cibos idoneum imò celerem ex tardo efficit ventriculum.

I. I.

DIVIO, Sueffio, Andegavium, Bellemontium Rogerii, imò populosissima Lutetia, urbes sunt famâ quam genuit utilitas apud gallos celeberrimæ; in iis enim conficitur electarium quod suâ etymologîâ simplex sinapi nomen sortitur: hæc confectio, pro diversâ qua paratur conditione vires & nomen habet urbis diversæ: hinc Divionis ex musto, Andegavii ex aceto, sueffionis ex aquâ simplici, &c. Sinapi vocatur Divionis, Sueffionis, Lutetiæ, &c. In mensis frequentissime adhibetur: nec ulla tempestas in qua exulet: si non omni nec cuique sexui, ætati ac temperamento conveniæ, ideo quia in Medicis propositio generalior nimis probat; ast è converso, omnia (Caffè, Thee, Chocolatum, salsa, saccharata, mellita &c.) condita, salubritate, odore, sapore, numero cedant sinapismo.

I I I.

CIBORUM, quos educationis ergò natura dedit; nec non organorum ad operanda conficiendaque ea quæ ad vitam necessaria constituit, magna suppellex: at si istorum, quæ ex multiplicatis diverseque præparatis ferculorum speciebus mediorum numeretur ratio, quæ, quot & quanta adjumentorum series: Undè si infinita pene numero temperamentorum summa atque computatio, supereminet nutriendi, conservandi, restaurandi, curandive cœu sanandi multifaria ministrandi caterva: hinc in edulio parando obsonii inveniendi nulla difficultas, eligendi vero condimenti scientia expetitur: at qui sinapim noverit eâ usus paginam adimpleat in procarandâ alimentorum digestionem necesse est, dum planta istæ vi polleat qua in ore morsâ, mansâ masticataque, undecim fon-

3

tibus salivæ diluta; dentibus trita, aere impregnata jam jam semi-
cocta deglutiuntur; unde si saliva deficit, lacrymæ & mucus narium
vices gerunt dum utrumque titillatum ad fauces appellit: si crassa
eliminator, si sales acri foeta, acriori quo corrigitur mutat dia-
thesim; si vappida, spiritu turget: nec solo in ore vim suam
exerit, in pharynge, œsophago, cardiâ, ventriculo; imò in in-
testinis, in vasis lacteis, in venis quibus primum miscetur chylus;
in dextro cordis ventriculo, tandem in pulmonibus alacrem ultima
se gerit chymosis; unde sanguinis confectio perfectior; secretio-
nes excretionefque cujuslibet generis liberiores, abundantiores,
promptiores.

I. V.

SINAPI, cum turgear, quo pollet, sale acri volatili oleoso;
cephalicum, cardiacum, stomachicum, hepaticum, diureti-
cum, sialogum &c. audit. Ingressitur aquam antiscorbuticam, em-
plastrum & unguentum epispasticum in codice medicamentario
Parisiensi. Electarium Mustarda (cujus etymologia mustum & ar-
dere) viribus pollèt innumeris; incidit enim, attenuat, aperit,
discutit, diversos appetitus & quidem salutes excitat; humores
quos phlegma appositè vocarunt Græci, dirimit, diripitque; la-
pides in renibus, disrumpit diruit; vermes enecat, destruit no-
civa; in quartanâ feliciter adhibetur feбри; melancholiæ hypocon-
driacâ prodest; scorbuto quàm mirè confert; sternutationem provo-
cat; pituitam, urinas, sudores, lacrymas, salivam elicit ad modum;
tumores resolvit, perniones præcipuè; digerit abscessus atque maturat;
in applicandis cucurbitulis & scarificationibus inspergitur pulvis aut ap-
plicatur emplastrum unguentumvè in paralyfi, apoplexiâ, membro-
rum torpore, revocandâ podagrâ imò & aliis morbis ubi stagnat
humor, vappidus sanguis, &c. Patres nostri laudarunt, probarunt,
adhibueruntque ad omnia fere commoda adeo ut si tam serò advo-
cata in usum sunt Tabacum; Thee, Chocolatum, Caffè & alia
bene multa, suspicari est, in nostro presenti medicamine, alimento,
condimento vim inesse quæ supradictorum vices suppleat.

V.

SUÂ sunt cuique mensura & modus; unde nec instet quis. Si-
napi non esse alimentum, cum præsto reponatur esse condimen-
tum. Si conqueritur adversarius quod lacrymas eliciat, nares pungat;

4

offertur ei panis ut naribus applicet, & Sinapis parçiori dosi utatur, monetur benignè: quid si ridendo de Sinapi Vulgatum referatur proverbium, post pransum Sinapi, non seriò aliud venit retorquendum. Nihilo melius hilum, modo (& si tardè) veniat. Tarde qui veniunt sunt pauperes quibus remedium paratur Sinapi pro scrophulis, scorbuto, & febre à viscerum infarctu ex pravis (maximè ex pane sicco & secundario) alimentis: ipsis prophylacticum sæpiùs mansum; si verò non omnibus & non semper, sæpiùs saltem & quam pluribus mirificè adhibetur.

Ergo salubre condimentum Sinapi.

Proponebat Parisiis; CLAUDIUS BOURDIER DELAMOULIERE;
Borbonnii Arcimbaldici Doctor Medicus Andegavenfis, Saluberrimæ Facultatis
Medicinæ Parisienfis Baccalaureus, A. R. S. H. 1743. à sextâ ad meridiem.